

non tam toti, quam Partibus convenient, omittimus, *Peninsulam faciunt Italiam* Strabo & ptolem. quam Natura Mari Supero, Infero Ionio munivit lateribus tribus: quarum autem vallavit Alpibus, Nam Occasum Caurumque versus abfusa sunt Italiae Alpes, quae suis apud veteres cognominibus designatae fuerunt, Maritimae, Cottiae, Graeciae Rheticaeque ad Arsam usque fl. Septentrionem respiciens Poenas habet Iuliaeque: succedente mox, qua Aquilo est, Mari Hadriatico, ab intimo recessu usque ad Sinum Ionium, qui ad Orientem Vulturumque illi obversus: Qua denique longe lateque spectat Austrum, Africum Zephyrumque ab Mari pulsatur Mediteraneo, quod ad eas oras Tyrrhenum audit & Ligusticum: faciente etiam partem Australem Hadriatico, qua Toti connectuntur Partes, Forum Iulii & Histria. Longitudo est ab Augusta Praetoria ad Brutium usque Promontorium vel Leucopetram **DCCLV** plus minus milliariorum: Latitudo maxima **CCCCXXV**, media, **CXXX**: minima, **LXXII**. Circuitus Italiae secundum Castaldum **CDCDCDC**. Qui exactius sunt metiti, signant **CDCDCCL**: qui exactissime, non multo minus **CDCDCCLX**. Italiam Eustathius Hederæ: Quercus adsimulant folio Plinius, Solinus & alii, ut proceritate multo sit amplior, quam latitudine: in Lævum se flectens cacumine, & Amazonicæ figura desinens Parmæ. Recentiores convenientissime Humano Cruri comparant: cujus Tibia vel Anticnemion Mari objacet Infero: Sura, Supero: Pes universum Ionio abluir Pelago: Calcaneus Epirum spectat: Vola vel concavitas Sinum facit Tarentinum: Carnosiores Partes Promontoria statuunt Zephyrium, Carcinum & Bruttium: digiti in Siciliam sunt conversi: Genu in Promontorio est Populonio: Coxendix & Femoris Superiora late contingunt Alpes. De nominibus & quantitate dixi: succedit explicanda Qualitas, cujus causa potior solet esse Situs Cœlestis. Hujus si quis hodie diligentissimam inear rationem: secundum Longitudinem Occidentaliissimum Meridianum deprehendet incidere in gradum **XXIX**: Orientalissimum in **XLIII**: secundum Latitudinem complecti gradus **VIII**: Australissimum enim Parallelum diffare ab Æquatore grad. **xxxviii**, & Borealiissimum **xli**, sique occupare discet Italiam Quintum & Sextum Climata, omnesque Parallelos, qui sunt inter **xi** & **xvi** in quo Terræ tractu contingit varietas Diei Artificialis unius horæ. Major enim Dies Æstatis in Paralelo Australi Horarum est **xiv**, cum tribus quintis: in Boreali vero Horarum **xv** cum quintis totidem. Cœlesti autem Situ sic se habente, accedentibus etiam Appenninis Montibus, qui per mediam Italiae porrecti longitudinem, ab utroque latere, præcipue quo Meridianos excipit calores, Campos Collesque relinquunt frugiferos: non magnopere mirandum est, tam moderatam omnium anni Partium in Italia esse tempestatem, tantamque rerum omnium fertilitatem: quæ tamen aliis, quam aliis locis major. Ager valde est temperatus, benignus, copiosus, ad Segetes aliaque omnia proferenda supra modum adcommodus, magnique suis cultoribus quæstus, sumtus autem exigui. *Rossellanus Ager* in Umbria juxta Lacum Velinum tantæ fertilitatis fuisse scribitur, ut auctore Varrone, Cæsar Vopiscus, quum causam apud Censores ageret, *Campos Rosæ* dixerit *Italia Sumen* esse, in quibus Perticas pridie relictas Gramen, una nocte operiret. *Ad vicium*